

四庫全書

集部

欽定四庫全書

桐江續集卷二十六

元方回撰

跋郝仲雨游梁百韻

讀君百詠魏中梁始僭諸侯又僭王孟子兩言無識者  
六王亡更七王亡

偶書

忽明詩眼一螢飛夜讀樓頭暑暫微多醉少醒忘世故  
易消難長察天機郭中令考書屢隱公治長篇過古稀

正爾山林可投老果何所戀不思歸

讀方處士

德亨名泰中

墓誌挽詩題其後閭集賢承旨

復文趙翰直

孟頫

書傳學士序

瑰文寶翰勒堅珉薤露諸篇序更新鳳閣竊臺三學士  
羊裘魚釣一詩人登金競奮凌雲筆埋玉如缺墊雨巾  
逢掖的過二千石九原不死氣如神

題程氏麟嘉壽域

克紹

當年此地瑞麒麟預卜佳城壽櫬春早把一官為長物

永期千歲作全人  
盈消虛息知時命  
戰履兢臨保性真  
馬革裹屍空志大  
寧騎歎段了閒身

送趙無已之臨川

古之諸侯公侯伯  
今之諸侯二千石  
建邦作郡事不同  
後車皆當載賓客  
釣魚呂望朝棄竿  
飯牛甯越夜辭輶  
雲龍風虎機會偶  
赫奕功名垂竹帛  
原嘗春陵四公子  
珠履三千分鼎食  
馮謹市義薄聚斂  
毛遂歆盟却強敵  
梁王兔園禮詞人  
相如之賦枚乘七  
平津更有翹材館

大開東閣英彥集徒步常何起馬周落河房琯任劉秩  
嚴鄭公延杜子美郭汾陽遇李太白朱門若止藏歌舞  
無一措大研文墨不知稼穡友朋闕儻非癡物亦俗物  
臨川太守千騎行誰董琴瑟護書冊吾子從之大江西  
訓誘諸郎據師席王介甫之學誤人國家陸子靜之學  
雜彼禪佛四海公論有如此讀書豈可無揀擇若夫擬  
峴臺登臨而賦詩不妨寄我清江紙一疋

次韻象山書院山長汪德載垂訪

名屋績  
溪人

古學非如進士場淵乎深處海難量善藏未用爭飴利  
中立懸知異狷狂度遠出寒公案在漸修頓悟話頭長  
公缺與我評茲事一洗人間粉黛粧

吾鄉朋友比多詩人宜進一步大則文公小亦龍  
溪可也於汪德載楊復之歸賦此意并寄劉元輝

黃仲宣

吾鄉南渡有儒真二百年來兩絕倫繼聖乾淳綿道統  
代言災紹冠詞臣紫陽山可搜遺老白玉堂堪踵後塵

原缺  
二字

茗溪漁隱學單傳詩話作詩人

六月二十四日秋夜書

昨朝交末伏今日立新秋故是涼猶未終須熱漸休酒  
醒興午夜月上倚西樓暍死端能免江天問去舟

連夜書

獨倚西樓夜漸深下弦月欲近些簷參立秋是日微微雨  
病暑衰翁稍慰心

斜向西南月半彎五更正值畢叉間朝來驟有風兼雨

紅暈饒添一大環

秋涼斷是合還家三伏今年暑倍加  
病痛百般營藥草  
精神一半減菱花

腐儒休致懶彈冠  
樓倚新秋午夜闌  
木德臨參照南斗  
江湖一稔百憂寬

再題通政院王榮之八月杏花

紅開枝頭二月寒  
中秋還許兩迴看  
君家泮水宮牆畔  
吾道重春孔子壇



半秋涼意轉春寒似曲江頭紫陌看霜近核中仁再結  
多調錫酪奉新歡

早開莒葉勸耕辰八月繁華又一新舊日舉人應最喜  
桂闡秋報杏園春

簡齋詩老不重生流月無聲句絕清好箇杏花疎影裏  
秋空吹笛到天明

種傳董奉術韓湘頃刻能開錦繡香好畫團圓明月夜  
中秋天色變春光

七月初一日淮浙大潮巨風亘古所無二首

等是耕王土誰令住海濱死沈凡幾屋生哭併無人可  
痛淮連浙魚憂廣及閩鯨鯢容此物螻蟻視吾民浪祭  
推潮鬼虛祈主地神懷襄吾未見七十五年身

江海諸州縣新秋捲颶風樓臺漂燕廈城市化龍宮舶  
寶千艘覆亭鹽萬竈空直令無片瓦更許有孤蓬徹底  
沙洲掃連根樹木童骨骸誰與殯腐爛出屍蟲

送趙揭陽北上

去歲別新正今秋尚未行求書何太數問選竟無成鯉  
海真曾到龍沙果欲征恐如吾所料姑用此為名

先世聯龍榜難兄接鷺班時移誰念舊身老各投閒吾  
已謀周妻君猶戀漢綸與其奔赤日何似卧青山

七月十五日書

家貧難辦素食事忙不及草書今日果然如此古人可  
信非歟

偶書

一日無酒飲一日意不樂一夜無酒飲一夜睡不着後  
生殊未知老人今始覺萬卷漫讀書千金空服藥我有  
一盃酒大勝凌煙閣酣歌脫頭巾毛髮動褒鄂

一夕五七起起輒搔我頭明月掛簷前獨飲憑危樓清  
曉上參井黃昏移斗牛殘暑未云退幸已臻新秋天上  
有銀河化酒還肯不大醉更無夢小醉亦無愁

寄題張受益會清堂

諫

伏生年九十腹貯秦坑書終童年十八手擲漢關繻一

老一妙年智勇夫何如兩皆濟南人稟受風氣殊乾坤  
妙融結山水清有餘鍾賢代不乏一變可魯儒吾友子  
張子世於此焉居烏哺奉甘旨鴈行贊都俞將指許假  
道榮哉鯁熊魚甲此一都會築堂冠蓋趨萬象納戶牖  
八荒來庭除陽丘古邑南均是宅一區麓中必有精所  
見獨異諸人見花與竹我見皆道腴彝鼎日玩弄簡冊  
日卷舒拔出形器上漉水月本無譬若椰子腹中有萬  
卷儲何必西域賈剖股藏明珠矢詩說解悟指天撮空

虛何如登君堂嘯傲缺觴壺

七十五翁吟

衰翁七十五猶有身世憂暑不辦寒計朝始為夕謀海  
若挾風伯掃蕩數十州錢塘幸而免湖已入城流吾雖  
偶不死生涯殊苟偷米價不少減錢刀何所求長女亡  
六載次女病未瘳假使即勿藥嫁奩將焉籌五男喪其  
幼餘皆隱林丘憶昔年十五七月辛丑秋郡治及祖居  
一夜灰鬱攸倏忽六十載將無墜箕裘僥倖登一第患

難何其稠瀆死者累矣尚存鏡中頭行善叢謗議施德  
招冤讎久已致其仕此生行且休半飽半飢間陳粟虀  
一甌鼎食拚鼎烹吾非斯人儔萬事不如意自取何怨  
尤折腰復仰面舐痔而封侯何如醉茅柴霞外鼯鼻齁

偶書二首

磊落終休矣艱難晚見之罔知當世事殊悔少年時  
一昨懸車後蹉跎又五年常書乞米帖猶費買花錢

故王氏安人挽辭

淑配生同邑錢王錦繡鄉甫登重卦壽遽掩若堂喪桑梓推真節芝蘭篤義方宴賓資佛力長子作緇郎

次韻沈茂實小園偶書

人因雅俗分高下同是園林興不同時覺燕鶯相爾汝  
焉知蜂蝶有雌雄豈惟酒可漁詩可常在花中與竹中  
秋老紗牕猶未換要令深夜月華通

秋風稷稻又嘗新續食年年肯濟貧遠學全期響

原缺二字

近同東老致仙人貴公勲業一杯水俗子面顏三斛塵



流火授衣誦幽什戒寒深恐雁來賓

題淵明采菊圖

東籬東籬所至有南山南山古至今東籬之西挂我杖  
秋菊千叢開黃金南山之北送我目鴻飛山陽我山陰  
今是昨非栗里宅三徑就荒猶可尋畫工可寫淵明面  
政恐難寫淵明心淵明面匪宣明面誰歟障我西風扇  
翁醉欲眠遣客去淵明此心我常見歸去來兮歸去來  
淵明方寸焉在哉寧入東鄰白蓮社不上徐州戲馬臺

秋風歌

記七月一日  
淮浙潮變

君不見七月一日海上風浙水西東淮水東鹽亭網戶  
十萬許潮頭三大一掃空高門大屋聳金碧瞬息浮入  
龍王宮官吏軍民不知幾肉無肥瘦魚腹中縱屍橫骨  
互撐拄蠅蚋姑嘬鷹鷂同人家婦女金纏臂惡少斫之  
殘血紅富商大賈浮巨舶犀象珠璣誇豪雄三五百艘  
原缺  
紙船紙梢工善登高樹毒蛇滿善泅有蛇纏其躬  
五字  
原缺  
三字家無一口甚寇屠戮兵戰攻我憶淳熙前辛丑赤

地

原缺二字

飛蝗蟲江南人才殊未少南康救荒賴文公我

憶嘉熙

缺

辛丑西湖涸底舟不通人肉饅頭市肆賣良

山門潮

缺

水洪水旱厄運古來有皇天得不憐民窮辛

丑定數不可免願言少殺神怨恫七十有五衰病翁未

即就木猶轉蓬

缺

倖米價不長年歲豐

### 五湖空濛圖

五湖之水何冥冥五湖之山何青青煙雨空濛寄絹素  
吾聞善畫不畫形畫山畫水畫煙雨界畫點綴分秤星

寓意托興有所主人品高絕名芳馨斗牛分野古彭蠡  
橘柚包貢今洞庭史傳同異不可攷青草丹陽兼官亭  
諸老英魂可招否亡吳霸越攜娉婷三致千金變名姓  
橐裝恐帶戰血腥陸龜蒙張季鷹無功可上彝鼎銘江  
湖粗有尊可羹何必石崇壘韭萍滿身花影醉歸夜何  
必涯訓居朝廷三高之中去一高似於人物太渭涇鷗  
夷子者非我侶焉得張陸二高復起與我共揚舲

送秘書監丞張受益還都傲山谷體

君家所有吾弗如價估萬金猶有餘科斗字前古彝器

椰子腹中行秘書楚吳閩粵吏狼虎淮浙海江民

原缺二字

歸闕一言動天聽生靈百萬免淪胥

送鄧善之翰林應奉并呈交代汪親家

漢

海內師儒四十強臯比一撤即鴈行聲名久動黃金闕  
相貌宜登白玉堂真學士當專翰墨寡言人定鎮巖廊  
交承正是吾姻婭為謝魚龍老子汪

辛丑中秋曲阜橋倚樓

月漸高雖小星全隱不明老夫偶有酒獨酌過三更世  
間千萬戶誰是倚樓人今夜中秋月危欄一病身

送福州謝學正無疑歸南劍州

中

承見贈云十年太守桐江郡萬首新詩陸放翁  
不敢當此佳句

問知桑梓處師祖李延平往正三山學看馳四海缺新  
吟巖更典老貌古兼清上水過衢信閩溪却順行

秋思七言八首

久不作詩詩律廢時須飲酒酒皆慳翠微雲外宣平宅  
一棹歸歟隱此山

重陽時節黃花近老子情懷白髮新點檢客囊無一物  
江湖七十五年身

大庾嶺頭梅掛月居庸關外草連天馬牛風古不相及  
缺霧餐風一夢然

將相共扶黃道日神仙獨隱紫陽山雲深夜註參同契  
身在虛無縹緲間

郎官已未老秋崖丞相庚申老訥齋已亥缺螭竹坡老  
吾鄉三老掛予懷

早遇鶴山先生子晚登和義郡王門靜翁道翁兩知己  
慟哭新墳接舊墳

七旬有二傳函問九月初三記誕辰客裏偶然逢此日

淮思江望淚痕新

道山訃音自寶應  
來江謂九江府第

菊殿百花梅第一重陽節過小春來年年歲歲身長健  
擺去窮愁醉幾盃



後秋思五言五首

多病全然嬾微涼尚未寒偶然無一事蛛網雨中看  
詩老吾衰矣秋風又颯然黃花香五度八十太公年  
黃陳今不作天地少詩人不是詩人少詩人未必真  
詩與風騷迫文兼史漢長半山非不爾僻學汴梁亡  
五房十昆仲獨許一身存今日重陽日登樓欲斷魂  
辛丑九日五首

政恐登高枉斷腸今年恰值雨重陽晨興中酒情懷嬾

滿眼黃花滿屋香

世間何事不空無萬古年年九日但最憶吾家先叔父

塘頭一樹紫茱萸

先七叔父北門外小園萸一樹

五度秋光過古希節名良是嘆人非吾州大火前辛丑

問政山頭伐木歸

吾州前辛丑七月十三夜大火焚州治及祖居八月先七叔父造屋獨

俾回往問政山缺號伐木每夜一更乃歸

何事清秋已衣綿微寒最怯倚樓天江南今歲黃花早

醉爵重陽半月前

往歲金臺屢據鞍居庸鴈字仰天看中秋蟹斷缺花絕  
紅葉西山九日寒

為孫同簽瓚題趙子昂馬

畫馬當年李伯時長懷魯直子瞻詩朝廷原缺三字才盛元

祐風流再見之

為張都目益題瓜哇王后將相圖

閭婆之國古來有其人裸體蓬厥首後來改號作瓜哇  
君僭稱王妻僭后跣足露乳布纏腰往往自妍不知醜

千島萬島南海南謂遠無虞險可守成周通道八蠻朝  
旅葵越裳孰敢後真臘彭亨皆入貢巴尚荅洽爾獨否  
壬辰臘月明日望三平章往命招誘泉州出門七州洋  
飛檣舞帆朔風吼五旬有餘至其境驚禽駭獸破膽走  
前主初喪後主立國亂未定內掣肘生擒瞎直吃當王  
癸巳三月之十九先降土漢必者牙水陸引道分左右  
繼獲昔刺小太子原缺二字留屯豈容久所俘病亡或逋逃  
窮則反噬如野原缺二字秋班師會占城諸國降表肯相受

稍工滿載檳榔果征夫爛醉椰子酒生金銅錢暨百寶  
搜山討獮恣意取蝥蟬蝦蟹玳瑁螺芭蕉豆蔻皆可口  
風俗可怪亦可憐食無七筯但用手生年月日都不記  
淫亂混雜忘牝牡得此詩料告者誰勝良伯父乃吾友  
我賦長篇當凱歌甘誓肩征同不朽

九月一日稍佳演作五十六字終不及少陵牧之

少陵哦後牧之

原缺三字

篇章可謂過真是能專詩筆石

似應無奈菊花何鴈來秋老江湖落病感風寒涕唾多

自古死生元有命滿斟且復醉顏酡

重陽後秋感

盛夏關防少深秋證候知脂寒饒涕唾膚痒困瘡

原缺三字

山千疊重陽菊一枝醉鄉差可可歸路尚遲遲

送胡雲峯炳文錄廣信二首

蓋輿上下立乾坤眼底無人可與論分數不難升地位  
絲毫未易見天原因重文字窮義畫速肖生徒半孔門  
斗食泮池何足浼晦庵異姓要雲孫

近沿關洛至乾淳遠探義圖未畫真自古斯文元有種

即今所學不無人轉移鴉泮希聲起判斷鵝湖正論

原缺

三

諸生仕鄰國寢齊同園杏壇春

題楊仲謙走馬牽犬圖鄭某畫

渥生漢馬真龍種旅獻周葵敵虎威時節太平開花柳

平川牽轡走如飛

題錢舜舉着色山水

堆青積翠聳

原缺四字

崢嶸古寺深此畫老錢暮年筆真

成一紙直千金

次韻郝元隱浙西山

彥澤

疎處溫涼密處寒未須向背問支干  
猿閑配偶雙嬉戲樹古根枝萬屈盤  
何限樓臺荒宿草幾年歌舞罷鳴鑾  
賴天獨肯扶僧刹佛大泥多許共看

挽艮石梅府卿

應發廣德軍人

庚午昔同朝權臣狠且驕至尊俱芥視  
大物遽冰消密勿毗廊肆艱難駕使輶  
絲毫心有愧壽肯到今朝



往事括囊坤元魁罪忍論咸淳君茂有德祐國能存委  
曲都司筆侵尋亞從門惟公獨不肯手板倒桓溫

改卜龜圖後閒居二十年商顏才聘幣剡曲竟回船

原缺

二無虛日染盛有薄田何須似裴李綠野及平泉

寄董總管文卿精春秋連為太平姑蘇二大郡

名章

字文卿號小

庵真定人

春秋家學漢醇儒纔尹當塗又尹蘇光價九霄懸日月

愛思兩郡甲江湖蛾眉采石風前笛橘里長橋

缺後鱸

太白季鷹俱不及

原缺四字

擁菟符

送方巖夫四首

河南徙歛徙浮光  
逮徙莆田派愈長  
六出長官刺史百  
端平最數鐵庵方

同姓同年綰左符  
嶺南萬里送孀孤  
先君遺墨今猶在  
為問封州有後無

巨山蒙仲昔同官  
對峙詩家兩將壇  
昭武即今聞有子  
文星高照七閩寒

紫陽山下一燈寒曾守桐廬七里灘空手去官

原缺四字

名聊得繼方干

送李君佐游浙東

鑑湖北棹迂征鴻昭代乾坤靡不容運際包荒連茹泰  
時當養正出泉蒙暫為掾史司刀筆遙許勲名上鼎鐘  
看取漢家有故事趙堯猶得拜三公

贈李得甫寄拙軒

吾嘗鄙文賦陸機自銜鸞濬發誇巧心見唾憾拙目

原缺

二淵明詩莫若黃山谷或者巧斧斤疑謂拙不足詩文

較巧拙議論黃勝陸人才亦復爾世事可類觸善官司

馬安四食九卿祿百世名不馨史筆有餘裁大匠公輸

子繩墨萬厦屋規矩方圓外何必續土木李子寄此軒

一缺夜檠獨未入巖野夢原缺四字卜馬知千駟馬豈慕萬

鍾原缺三字蠹書魚怒如飢亦讀掛簷飽飛蟲彼哉蛛網

腹

用韻謝湖州總管李才甫附周漢東寄聲

文章太守與誰游山水江南第一州試向清風明月內  
得非與可子瞻不生徒時喜高軒過英俊多蒙

原缺三字冷

掾能言修學事殿堂新葺更書樓

重贈王相士

併序

九江相士王雲屋舊贈之詩曰金馬玉堂步決  
不到寒生我有雲中屋如君豈可爭吳山相逢  
言已失去再贈七言一絕

是人家有此兒屋何處山無這箇雲浪走江湖

原缺邊四字

雲肯強隨君

偶題五言絕句五首

不寐常欹枕無言獨倚樓  
江淹猶匪恨庾信始為愁  
落木包生意來鴻定去期  
如何蕭瑟氣有許楚臣悲

春秋踰致仕南北粗知名  
有客來相問如何不治生

為客彈長鋏

原缺三字

短衣奈何年不肯五過古來希

自古有治亂誰家無是非  
曉牀聽鄰語瑣瑣訴寒饑

客況六言五首

狐白裘玉作帶汗血馬金為鞭雪髮河中老叟霜天鰥  
體撐船

一瓣香陳無已萬首詩陸放翁借問老夫年紀五屈指  
姜太公

善揮金粗豪傑痛飲酒真神仙身外別無一物胸中略  
有千年

輔嗣元不識易安國未嘗傳書周官謬釋揆岳

原缺四字

魚

王弼易睽卦包魚音庖大謬以杞包  
瓜却解為瓠瓜尤不通杞亦未是

大矣哉十二卦有義有用隨時世故著草萬變心事梅花一枝

送來巡檢通

鐵甲金戈百戰攻將軍未老紫髯穠早依討粵

原缺四字受

從驃合騎封驚邏三年微竊鼠飛騰一日定

原缺四字訪舊

燕臺去誰采吾詩當菲封

松下茅屋圖

一株松下一茅屋何處山中此景無煨芋老翁常閉戶



世人從此畫成圖

水仙花畫

缺  
繪水仙陪魯直梅邊更有子瞻形  
蘇兄黃弟神游處  
重築人間頓有亭

猿獐圖

西征君子化為猿似覺獐頭未足倫  
叫月三聲萬松外  
可能淺草走平原

猴牛尾狸圖

宣城牛尾雪天狸梅老饒涎為賦詩曾與沐猴戲相得  
脂膏爭奈獵人知

東坡真迹

歐蘇一代兩文忠賴是滁陽起醉翁誰欲儋州殺坡老  
靖康戰血鼓腥風

錢舜舉瓜畫

老錢工作趙昌花殘綠依稀姑五瓜正叔晦翁凡六說  
始知輔嗣大爭差

送廣信山長趙然明

宅本詞人傑祠今學者宗才華明斧藻師範服章縫竭  
力鑽書蠹垂時補袞龍勉旃企鄉達微國荷堯封

擬古五首

達人安天命養器以待時匪謂閑其門端坐無所為東  
家田中苗既種且溉之西家不復爾秋至或忍飢一得  
異一失非天有偏私口實云自求曷不觀諸順

高臺垂釣竿不過一漁翁三逕連東籬略與寒士同何

獨巖與陶百代流清風文叔本僥倖寄奴非英雄我評  
夷與齊大勝營丘公

江南九月後無日非重陽十月十一月豈不雪且霜巖

殺百草菊花彌更黃於茲偶有酒十觴至百觴

缺原缺四字

了復醉梅花傍

騷人稱屈宋宋豈敵子平詩家推陶謝謝豈肩淵明曾  
直愛水仙以梅為其兄梅似可祖父吾今改茲評

知十與知二回賜同補哲所以孟堅表九品較優劣人

貌無明鏡妍醜孰分別物無權與衡輕重亦不決

題襖帖圖 併序

觀襖帖圖二十之帖前六之叙視聽娛樂耳後

原缺四字

其感慨樂過而悲生盡而死常理也晉人

之學所懼止

缺

漆園齊彭殤義之斥為妄作深

以之感為痛夫情逐事移形隨氣化焉有樂而  
無悲生而無死者似不必過於痛也

永和九年晉癸丑襖帖至今家家有遺墨一紙出昭陵

摹本宇宙同不朽甲子循環十六周甫近千歲未為久

之字二十我諦觀誰繪此圖誇妙手晉人之學吾能

原缺

二以莊子為六經大同小異立議論漆園遺意入蘭亭

七情靜動應萬事一氣聚散鍾千形樂極必悲生必死

倏開忽闔風天螢豈不痛哉逸少語畏怖生老病死苦

掇拾釋氏之緒餘惴惴其慄有如許顏瓢致樂悲安在

曾簣臨死生焉

缺

短中求長斷斯文翰墨高名萬萬古

# 離騷九歌圖

正則靈均皇揆余屈子文章古所無我嘗痛飲讀

原缺三字

乃復覽九歌圖九歌根源何所自義文周孔易

原缺四字

坤

馬中孚鶴鼎虎革豹未濟狐載鬼一車豕負塗先張

之弧後說弧奇奇怪怪浩以博湘纍取以為範模東皇

太一九霄下百靈護駕飛龍趨雲中之君儼帝服眇視

四海翔天衢堯女舜妃兩嬋娟想見當年泣蒼梧太少

司命尾東君倏來忽逝紛馳驅河伯白龜弭英輔山鬼

赤

原缺四字

桂酒椒漿奠瑤玉鼓迎簫送鸞鳳興佳人在

望

原缺四字

君不見心躊躇采芳馨今日將暮有所思分甘

廉軀吾王不寤娥眉嫉知心惟有寡女嬃一士葬魚亡  
楚國而況他日秦坑儒我詩頗似賈誼賦敬弔先生空  
嗟吁

題淵明歸來圖

人以心役形方寸有所主陋巷足簞瓢外物肯妄取心  
或為形役飢腸內煎煮未必得鼎食湯鑊已烹汝淵明  
歸去來妙甚第三語自形役自心何乃浪自苦此理一



以悟公相亦糞土而況折我腰不過米斗五昨非謝督  
郵今是睇衡宇易有不遠復良曰止其所聖之清若和  
高風夷惠伍懦立薄夫敦仰止邁終古

題家慶圖

昔在成周與唐虞比屋可封人懽娛臯夔稷契贊帝俞  
周有閟顛弘廟謨太平之世與同符四海朝車同軌

原缺

三有慶萬姓蘇天下家家慶圖

題唐人按樂圖

鼓笛笙簫闌舞茵伶官和尚雜宮人黃番綽共唐三藏  
髣髴相傳未必真

哭方碧山前惠州同知

召字端叟

同宗多兩歲官學幸同門去夏才相別踰旬遽

原缺四字

淹

逆旅公已見曾孫二子言將葬驚嗟欲斷魂

四年登八十壽過古來稀辭郡非闕瘴思親自合歸千  
詩存老筆二紀掩閒扉雞絮臨筵几隨潮夜夢飛

送葉茂叔淮安教

為儒元匪易入仕似無難捷疾非科第飛騰即教官梁  
城依汴古楚郡號淮安臺省多知己書燈莫遣寒

送凌應蘭玉傳詩序

前朝景定三年壬戌進士雖孽賈當國猶畏英  
主未敢陰取私人號為得士今四十載見同年  
毗陵凌公上萬下頃之孫玉傳多材好修能詩  
善書從崑山州貳車常公濟川來訪贈以二詩  
且為之序

壬戌同先祖登名四十年吾衰逃世網子學紹家傳好  
作聲名計姑隨仕宦緣王奇有故事即見旅朝賢

保舉甘年進何妨緩致身暫時刀筆吏他日腹心臣

原缺

二字全相似唐詩更逼真多能乃畏謹誰不與斯人

送李伯英

孟淳

鶴田幼弟乃叔深齋之子

八十三歲李鶴田我兄事之後八年有弟有弟來見我  
我亦待之如弟然鶴田鶴田真神仙讀萬卷書忘蹄筌  
鈎銀畫鐵筆下字咳珠唾玉胸中篇維伯英甫父深齋

我未識之人稱賢相觀骨骼聽議論九臯之鳴紹家傳

原缺四字

我所敬論宋勿論唐以前文名第一歐永叔詩名

第一黃庭堅節義第一文丞相三士鼎峙撐青天隱

逸第一

原缺二字

人捨吾鶴田其誰旃君不見西漢四皓起

商顏羽

原缺三字

劉氏綿又不見東漢子陵卧嚴灘足加帝

腹搖星躔鶴田為嚴之處則九鼎重鶴田為皓之出則

九鼎安吾將以子伯英之行卜之焉

寄閻承旨靖軒

相逢偶值寄梅人  
今歲江南暖未勻  
報與玉堂真學士  
小詩聊當一枝春

題三蘇先生族譜後

戴帥初為其  
七世孫撰序

眉山萬古老蘇仙  
坡穎兒孫世世賢  
尚想九關排

原缺  
三字

須七葉珥貂蟬  
何人不作無窮地  
今日才知已定

原缺  
三字

姦朋市朝撻剡源  
學士筆如椽

至前偶書

江南子月已春迴  
一日堪傾一百盃  
朝飯太牢

原缺  
四字窓

西子月中梅閒心自得無窮趣老氣猶誇未盡才我  
近八旬經萬變傍觀嬉戲小嬰孩

湖州推官史彥明碎石

君不見杜子美搜詩益州城西門所見石筍雙高蹲欲  
募壯士擲天外使人不疑見本根又不見韓退之

原缺  
四字

憐愚民枯株朽木事為神偶然題作木居士便有

原缺

三字福人安吉古廟李衛公有一怪石左廡中不知始初

孰昇致矯誣妄誕欺吳儂諸欲殺人劫盜者牲酒奠祭

駢羣兇狂魂滯魄託憑附乞靈徼福撐虛空忽值湖  
州推官吏缺如明月清如水集衆槌之百雜碎棄置溝  
渠同糞矢南方淫祠百且千焉得一一皆若此

次韻送郝同知還閩二首

平生奔走遍區中老尚流離作寓公合坐黃堂稱太守  
願求丹劑學仙翁繫誰虎豹占文變何限貂蟬出武功  
可似有心隨李耳流沙西邁過崆峒

字畫多年逼獻之高材天賦豈人為一枝秃筆無能敵



百尺名樓有所思  
磧馬塞鴻忘舊夢  
建茶閩荔富新詩  
皇天具眼終徼福  
多病從來喜讓夷

十四日至節

錢塘多少富豪家  
酒肉如山賞物華  
野老入城原缺  
四字蘿  
葡萄菜臘梅花

十六日大雪

長至前踰一月晴  
忽然細細雨無聲  
中宵變作今原缺  
三字  
得樓頭鼓角清

十七日大雪

扁舟未覺出城難訪舊情知老畏寒七十五翁無

原缺三字

樓聊且隔簾看

寄題朱信州自閑堂

吾師魏華父庵以自為名自庵有類藁其文世盛行吾  
友陳壽夫堂以自為號謂予可言詩玉成有大造上饒  
朱使君燕居題自閑此自指何處專指方寸間閑眠與  
閑防暇字匪二義自防乃自暇只是一箇自子思慎其

獨使君資之深自身閑不難先當閑自心

魏鶴山自庵類藁專

刊靖州所為文回至永嘉郡齋次令嗣知州靖齋先生俾回監刊總為大全集南昌陳壽夫名杰為江西提刑

有詩聲

號自堂

### 贈學易畊心

佛書曾畫牛犁舌以易畊心却不然一寸地中栽

原缺

三將三寸舌談天

### 和李鶴田乙未贈李个庵

這個庵中這個人莫將兩個認心身一个亦無義

原缺三字

於此處玩天真

全真教隨喜

全真遺教契清寧  
蕭散無為養性靈  
百歲萍蓬無定跡  
一身土木已忘形  
陳言不用參同契  
祕法何須急律令  
中有異人殊未測  
條然輕舉上青冥

雪中汎舟

詩翁泛雪船動趣兩三篇  
未快看梅眼空流憶酒涎

原缺

字二衝凍凌飢鴈起荒田  
兒女牽衣處新春入暮年

去姑蘇

雙臉殷紅捧玉尊陽臺髣髴見香魂一生心道蘇州

原缺

二字事搖船出荊門

過臨平二首

臨平山下泛歸船何必荷花五月天記取五更霜

原缺三字

芳橋買小魚鮮

行在名存一夢惺西湖路近六長亭陳橋驛與臨平

鎮興廢何人了汗青

寄魏珍卿

五十年登靜老門八男今見九曾孫浮生變幻

原缺四字事

艱危詎忍論三級浪知龍有種九臯聲喜鶴猶

原缺三字舟

畔書帷舊酒醒燈前欲斷魂

寄魏鶴臺並呈虛舟

損益相因俯仰間人才世事頗相關熙豐消息黃龍府  
瀛洛源流白鶴山此道不隨高岸改吾徒寧作野雲閒  
世家但保書燈在莫羨雲霄玉笋班

寄魏景山

長橋身作長城夢南五湖天北濟淮重聽吳歛憐我老  
憶騎塞馬與君偕田園粗有何須侈子壻俱賢豈不佳  
七十六翁如未死便郵一紙更忘懷



桐江續集卷二十六

欽定四庫全書

集部  
桐江續集卷二十七

詳校官中書<sub>臣</sub>孫溶

主事<sub>臣</sub>呂雲棟覆勘

總校官庶吉士<sub>臣</sub>倉聖脉

校對官助教<sub>臣</sub>胡予襄

謄錄監生<sub>臣</sub>張曾詣



欽定四庫全書

桐江續集卷二十七

元方回撰

壬寅立春在辛丑十二月二十九日歸

缺

三

宿

隔日春先立崇朝歲始除去來身不定好惡夢皆

缺

千山外舟車一月餘豈真休客擔

客中之客未弛擔也

猶

缺

家書

予丁亥生壬寅年七十六畱杭十二年

吾生已是三分過此地胡爲一紀留萬事無心偶然耳  
久將身世付浮休

送鮑子壽寶慶教授

吾聞陳后山兩爲彭城教先生新安人歷歲董卿

缺

晚潁州日與坡老樂君今實似之往食邵陽稍

缺

吾聞徐孝節教授家山陽其名聞于朝其行高

缺

大書之特褒宣德即君今詎止此即日鷗鷺行

戊午秋七月予泛洞庭湖君山朝欲曙武口

缺

日未

缺

怒蛟龍忠信堪支吾君曾有所挾浮湘弔

蒼梧

缺

長沙十二縣東西湘江夾君才嶽麓高

君心洞庭

缺

古邵州青燈萃儒恰循循善誘人不

必劍

缺

君往隸邵學近接濂翁州君居長

徽學晦翁之故丘顏曾思生魯孟子生於鄒君其鄒魯人天畀鄒魯遊

### 六言四首

馬文園消渴病嵇中散絕交書未害子虛烏有可

缺

才疎

樓中老子無事座上梅花盛開閉目不閉鼻孔暗缺

自來

讀萬卷行萬里酌一杯題一詩顏齡如此如此豪氣已而已而

傳燈錄第一卷我佛世尊如來自謂寂滅樂已誰不嗚呼哀哉

題王起宗畫雪扇六言

何必見戴安道月圓夜雪晴時烏府王起宗畫

缺

虛谷詩

送郝同知

僕昔塵忝歲壬戌甲科爲首降爲乙宰相謂已

缺

實見怒出私臆漢東掌教大洪山寄名帥幕隸

缺

陵還鄂艤安陸燃火高岸夜伐荻是時約近一二

缺

書有來遞鈴急聞公拆觀衆太息郢州新喪二

千石

缺

蓋代真人豪養士萬數馬千疋邊頭失此老

缺

以致襄陽失世事輪雲勿嘆嗟郢州諸子

吾皆識伯仲

缺

落鵬手舞騎彎弓轟霹靂黃金鎖甲

青油幕黃卷青燈從此出能爲橫槩建安詩不減修禊

永和筆難弟兄中屈指三漳州半刺今第一黃閣紫樞

烏臺官有求可以

缺

手得邂逅一閒二十年髭雪鬢霜

慵不摘我老我

缺

於公公獨枉駕顧此客既觴我酒

俎豆之又塵珠

缺

什一別千門換桃符梅初未白

柳遄碧人生有若鴻

缺

銜蘆一枝食數粒往來去就

無定所寒避江湖暖沙磧此心與彼獨不同睡裏有情  
夢相憶

次韻趙朴翁赴衍聖公嶧山書院之招

鄒魯相望擊柝間亦顏誰許獨晞顏同源泗水別沂水  
接壤嶧山連泰山萬世元勲闢楊墨一時浮論主癰環  
七篇事業君能講男子臨岐淚肯潛

正月二十一日偶題

樓頭日日倚危欄來往人忙許靜看老子無聊常

缺

杏花欲動更春寒虛名疇昔三千字險路平生百八盤  
揮翰玉堂有公相閒人贏得把漁竿

題王璫王珪母郭氏義節記

年二十嫁四十歲王生儒士教其二弟成人年  
二十七而王生亡守寡教

缺

一江東憲

幕一財用所勾當

老儒致聘女師儒二十言歸四十夫令弟階庭駢兩玉  
賢郎門戶儼雙珠標梅迨吉年雖淺汎栢維儀志不踰



冠帔笏袍相照映稱觴真可畫成圖

題卽川紀勝圖

并序

燕然張嵩汝明岱宗王勉起宗十

缺

屬大

司農嘗寮古潤汝明還家有穎灣田十五頃母

及子孫眷聚六百指讀書賦詩自樂久不知起

宗官況後乃知其爲

缺

西廉訪僉事行臺御史

俯就建平

缺

相思自大都過江南訪之

桐川道中鞍馬不期而遇相從爲十日遊起宗

善畫繪

缺

郎川紀勝圖各寫長句紫陽方回亦

尾而歌之

維汝明父起宗父古潤嘗僚佐農扈醺酒金山焦山寺

缺

馬昇州揚州府歌詩千百南北傳一別十年散還聚

駸致五袞知天命雙鬢更無絲一縷昔賢相思即命駕  
車而不笠莫敢侮汝明家在軍都山田十五頃清潁灣  
母及子孫六百指仰事俯育身久閒大江之南鴈北向  
故人聞綴行臺班合眼有時得相見不過夢中空往還

起宗籍籍

缺

史

缺

易退仕如止桐川大邑當孔道

弦歌聲

缺

斷橋流水來者誰兩轡相逢各驚喜

丹青慘澹繪爲圖

缺

幽穿知幾里右軍蘭亭未足誇

摩詰輞川焉可擬紫陽洞天虛谷春亦荷老筆爲寫真

踰七望八盍早往滄浪日濯冠纓塵二公妙齡挾才藝

往往見知今宰臣省

缺

夕有命再使堯舜風俗醇

錦囊此軸且捲起未可

缺

繪尊

春半久雨走筆五首

月餘不浴不梳頭垢服埃巾獨倚樓萬古事銷閒裏醉  
一年春向雨中休天時纔暖又還冷人世少歡多是愁  
治亂無窮如糾纏華山高臥最爲優

早從師讀易乾元晚乃微探性命源道在一前包宇宙  
心無二處契義軒行將死矣依先塚即合歸歟理故園  
二十餘年復韋布人生焉用兩朱轡

纔喜晴明又雨陰尋春未了早春深牡丹芍藥

缺

寒食清明上塚心詩癖已應吟萬首酒狂何止費千金

缺

百歲三分過屢死焉知活到今

萬事心空口亦箝如何感事氣猶炎落花滿硯慵磨墨  
乳燕歸梁急捲簾詩句妄希敲月賈郡符深愧釣灘嚴  
千愁萬恨都消處笑指鄰樓一酒帘

耳焦髮禿四肢枯年近非熊異壯圖見識漸高詩

缺

精神常好酒相扶地輿茂育元非有天宇空虛不是無  
自笑太倉中一粒夢寃夜夜侍都俞

回二十學詩今七十六矣七言決不爲許渾體

妄希黃陳老杜力不逮則退爲白樂天張文潛  
體樂天詩山谷喜之摘其佳者在集文潛詩自  
然不雕刻山谷不敢<sub>缺</sub>也五言回慕後山苦心  
久矣亦多退爲平易中有閨仙之敲而人不識  
也

醉題二首

倏忽侵尋八十翁平生學問見詩中可因道術仙能到  
何用禪言佛不同是是非非雙鬢白鶯鶯燕燕百花紅

太歲壬寅題此句小樓買酒酹東風

賣花人憩小樓前買幾枝看日典錢詩向夢中頻

缺

才醉後便如仙貧閒畧比陶元亮老壽將過白樂天

缺

定爲林下計嚴灘西向練溪船

道山座主先生平章呂公挽歌辭五首

庚寅九月初三日生

辛丑七月十六薨

一門真將相天地間生之表海太公望封王郭子儀

缺

堪襲閭跨竈早持麾福壽完終始人

缺

乃翁同此老兩柱共擎天初作二千石才生十九年漢

陽

缺

最大嶺外帥何緣極恨湖濱相姦臣喜弄權

缺

公三十歲死守漢陽城焉得江陵閫能支鄂渚兵椿

庭纔不起槐府已無情最恨木綿鬼乾坤一擲輕

昔僕叨名第繫誰極作成首捐登仕誥誤掇別闌

缺

人皆喜權臣獨不平可憐身欲死無以報平生

大別登秋興南樓望戰塵興亡元有數生死不無神將

相名千古兒孫近百人生靈活億萬報豈止公身



次韻謝周兄士俊見訪

弱壯之間幾輩流不凡已與老成侔筆端可挽千鈞弩  
胷次如登百尺樓良木政須資長養芳蘭未厭缺

衰晚不聞道幸早專心似奕秋

贈俞碧巖體仁刊圖書

文元發源人

上古包羲卦初畫五行之金刀爲革兩儀四象生缺

初一圈爲太極八卦之上六十四右乾左坤名曰易

因重缺定科斗書削木爲方竹爲冊擣紙束毫寫今字

世降俗缺動山積何如簡徑却艱難篠簜梓桐事雕刻

所以近人刊圖書篆籀依稀規鳥迹博雅君子具老眼

爾缺生者缺不識紫陽山西星源州遙見長虹缺日

伊人缺間雲氣開晴碧巖碧一旦飄然缺湖

研刃如缺嘗石鼓玩陳倉忽似野碑揭鄒嶧

贈我三印紅屈蟠細缺游絲踈復密侯王黃金索駝紐

韓彭何曾得渠力如我缺綠綬亦無不過小匣藏寸物

閒詩倡和外謹封家書時用報兒姪佩之如寶漢剛卯

不懼取將轟霹靂

清明大雪三日

半月雕梁燕子歸怯寒著盡舊綿衣何人醉眼西湖路  
錯認楊花作雪飛

跋高舍人錢舜舉君選著色山水

堆青仍積翠山與水俱奇毫髮漁船遠尋常草舍卑喜  
君真好學索我細題詩卷軸頻舒卷明牕肯見思

送戴帥初信州教授

伏義之後幾萬年堯舜八聖五一賢誰學其學傳其傳

缺明間氣生戴先上庠文聲撐青天高揭蘭闌十名前

缺

隻字宮商宣豈但場屋著祖鞭早合玉堂照金蓮

缺

衣常退然擢第三十二載間昔日朱顏今蒼顏

踰冠缺

班垂迫耳順猶在間一任金陵絳帳還

近始再調缺

山得非世道多間關乍可不仕避險艱

四男二女膝缺

環束脩餬口菜衣斑我宿冒忝博士官

稠衆中缺

直上秋天寒得公老筆不厭看雄

文兩魁 缺

柄國韜禍端老夫尋遭霜簡彈白

首相逢徒 缺

給甕齏酸人生出處如此難

畫觀世音贊

缺見呻吟我砭我針人有此心即觀世音

題曹舍人文龍墨竹扇

未興同知缺  
仲賓息齋寫

文湖州筆欠坡詩便面瀟瀟雨一枝暑汗輕搖骨 缺

間誰識庾元規

題陳仲良宅觀古物及徐熙來禽卷

車書一統混乾坤福地錢塘戶口蕃治世

缺

室

吉人宜爾保名門金玉印章文物古丹青圖畫典刑存  
來禽幾顆徐熙筆欲摘紅鮮薦酒樽

送吳僧慶閒上人

姓白字無逸  
年二十九

唐僧窮島可應是筆能追投卷初來此迴船忽去之味  
缺工會合情淡慣分離許讀紅樓集昌黎亦贈詩

韓丈公有贈廣宣上人詩

缺

朝士無裨缺空媿

高僧數往來宣有紅樓

缺

世宣宗許入禁中

賦詩

觀世音像贊

觀見世間苦痛之心而往救之脫彼呻吟咄干

缺

隻眼曰何以故以心觀心

五月二夜聞雨大

缺

日至杭

缺涼喚起酒醒人聽雨更闌得句新兒子遠來作生

缺

十六年身

送汪復心

巽元饒州教

派出魚龍氏聲搖虎豹關兩司千里泮一退四年閒學  
孔誰如孔晞顏我亦顏不應但携酒日日看芝山

送畢用虎談星命

知君家世擅儒風不與江湖術士同季主市占排賈誼  
缺平肆卜服揚雄言談簡淡非長古揖讓雍缺鞠躬

甲子支干五星說源流本出六經中

題凍雀著色梅花

一枝玉蘂艷缺

雀雙跼凍翼香誰識綠毛掛缺鳳



坡仙詩眼醉南

班

壬寅生日楊廣文携示壬辰生日詩次韻

方寸天知地亦知昂藏曾次了無奇山林獨樂休官早

缺縣徒勞見事遲一影浪行千萬里十年未朽兩三詩

故

缺

驚陳迹旅次傳抄付小兒

壬寅生日

缺

南踰梅嶺北冰天跋涉艱危

缺

憐頗賴青州從事力

缺過絳縣老人年稍

缺

旬苦多病且須爛醉海榴前

生日後三朝又書

缺

七十六年春湖海飄零一病身相愛故人誇壽相

遠

缺

兒子作生辰齒浮聲嘆調涼劑髮少頭瘡爪破巾

只合歸歟辦棺塚斷無華表石麒麟

送丘正之海鹽州教授二首

而立年前髭未長金臺早已擅名場法書筆下蛟龍

缺

缺

句胃中錦繡腸斧藻一州專學校粉榆卜舍近家鄉

缺

講道相傳授不在槐花舉子忙

去年七月朔風潮倒海排山蜃鱷驕亭

缺

宮未必盡飄飄隨宜補葺燈牕破循序扶持粟廩

缺

友一心研義理浙鄉風俗未蕭條

送張仲實宜興州教授

天未喪斯文遜翁續思孟戒慎恐懼傳源流獨也正

缺

中節情未發爲善性人已不睹聞了無一可傾上壁

缺

朗下譬深淵靚尚復有形迹兩物相照映人心統

性情本

缺

垢可淨鬼神不能知匣中未開鏡所以古君

子一恬

缺

學者當此時養之惟以敬述者於茲明

作者於茲聖三畏孰爲首戰兢保天命武林子張子早

執文

缺

將相家炎紹四大姓未應釣渭

缺

見退之病中年有省悟坐

覺

缺

華屏宜興

缺

聞且榜諸生望絳帳

缺以

慰郊迎朱子所著書率

缺

當於謹獨上有法更

究竟

題孫廷玉藏李仲賓墨竹

孫璣通政同僉仲賓號息齋

仲賓筆底招君子廷玉胸中敬正人  
更著紫陽虛叟句  
兩公炯炯見精神

寄題感應夫人廟

觀世音化馬郎婦西王母嘲方朔兒  
乾坤大幻萬千變  
缺我敬之而遠之

五月二十三日懷歸二首

缺茅猶在盍歸休何事清河日倚樓  
百歲四分三已過

十朝九醉一無愁獨遺蕙帳容逋客誰向瓜田識故侯  
定是紫陽山下路西風仙袂揖浮丘

生紅一簇海榴枝慙愧虛翁兩鬢絲久客湖山何足戀

缺

父子自相知江南江北千鍾酒身後身萬首詩

連缺

霖忽開朗人生亦有晚晴時

題答祿章瑞淨香亭

名文圭號橫溪蒙  
古人台州守子

缺

成都府治元帥堂綠竹含籜新出牆今古詩人第

一缺

幕屬工部員外郎

缺

酒樽主賓邀晚涼上句雨

缺

淨一掃人間塵土黃下句嚇破嚴武膽解道

缺

竹淨易見香難說此

缺

撩天鼻孔長我知橫

溪

缺

少陵先生鼻不徒

缺

此君之佳色又能

識此君至清之

缺

然則是又不徒識此君之清氣而能

識此君之真味識此君之深意者歟下一轉語叅此禪  
敢問竹香云何細而細

題范陽祖澤士榮松齋

祖無擇之後

九天風雨歲寒頻十八公邊夜讀身氣味菟

缺

朋奪竹可三人秦皇愛護加封爵夏后栽培作社

缺

書燈照吟榻落毛掃石當茶薪

父通議大夫工部尚書

缺

六人五出仕有至五十二年客於金玉府石

抹同知其姻也

六月八日遷寓侍郎橋

梧桐樓外雨蕭蕭客裏遷居意不聊淨土偶隣羅漢洞  
閒人肯羨侍郎橋蠹魚書少家何窘行李船輕路匪遙  
此

缺

十翁肯相送典錢沽酒了今朝



苦雨半年

缺

海蛟龍睡不鼾半年晝夜雨漫漫何曾畧識三春暖

更缺

難禁六月寒孰感神明迴叶氣忍聞生聚落深湍

鼇缺

擲將暮矣不許缺

日安

去年秋孟朔  
潮缺地丈八殺

民數十百萬缺年正  
月至六月無時不雨

六月十二日侍郎橋感事

缺

大厯厯七南朝幾缺

潮夜復潮湖上已無缺

有侍郎橋官同謝傳慙高潔位過周公肆各驕

缺

心木綿鬼穢聲不與骨俱銷

題郭元德寓意齋藁後

一硯隨身一棹輕斗南斗北仰詩名豈真寓意不留意

缺

恐無情還有情瘦島獨敲逢尹詰癖陵寧死要人驚

缺

自號異商隱安律平平仄仄平

題施好古示龔學古瘦馬六言

畫馬不學韓幹我知八十翁心使皆肥

缺

可斟

送江泰發晦庵書院小學教諭

翩然歸去兩芒鞋朱子書堂小學齋好向四書尋骨髓

敢辭五嶺役筋骸晦傳可是終無愧

用屏山祝辭

遯筮誰知

晚

闕

佳前哲持身但如此知時豈不有吾儕

次韻曹清父營生墳追和范石湖韻四首

涇

桑榆未迫尚東隅諸子盈前返哺烏早檢青囊營

缺

丹竈著工夫無生話可忘言了自祭文能信手摸

缺

年未遑辦一杯

缺

良圖

古來奕世保松楸八百姬周四百劉今代未聞

缺

時尚想引魃頭干戈蒿里無完穴

缺

蘭亭有

缺

誰可免一杯聊

缺

祝千秋

今人舉酒必曰千歲

缺

如斯舉一隅誰非長夜閔金烏裹屍馬革真

缺

山淺丈夫羽化苦無仙伎倆茶毗別是佛規模

缺

彭祖終須爾匪悟浮休肯豫圖

殺心奕局響紋楸鷄肋何如酒德劉世事但堪常袖手  
人生政要早迴頭誰能卒辦魚千里自笑終成貉一丘

缺

明年纔七十商山剩飫紫芝秋

贈胡端本顯伯教諭二首

缺

諸胡鄉里人人仰範模  
韜養沉潛求大

缺

揮

缺

號通

缺

生不出跼吟屋垂老

缺

舊坑硯中覓浮溪汪氏遜翁朱

芙蓉嶺外矮窗開夜讀燈從祖父來四海八荒

缺

山一壑絕塵埃生涯晚節香黃菊世德清陰映綠槐

缺

仲車教鄉里何時除目下行臺

送劉仲鼎瀏陽教四首

鉉前紫陽

缺

缺

今名郡劉公昔碩師山畱黃帝蹕水遶紫陽祠遣

缺

足陳言講說疲

缺

曾參到否未有四書時

缺

向湖南去衡湘剩

缺

淚凝斑竹恨骨冷葬魚悲學

缺

循常式師生整舊現

缺

軒何故道無所爲而爲

瀏陽吾未到疇昔到長沙文定諸胡子宣公故相

缺

已化心皎月無瑕

缺

尋方冊燈昏眼易花

缺

湘江潔名應嶽麓齊扁舟先浙左匹馬次江西眼

可缺今大詩須到處題世人無陸學一笑過金谿

贈秋蓬王相士

人生兮若蓬搖落兮秋風或南兮或北忽西兮忽東缺

兮潦水高之兮太空天翔兮征鴻地泄兮鳴蜚皆一

氣缺所使兮曾不由夫我躬焉得三萬六千日無盡無

藏兮惟杯中

贈范君用筆工五首

漢庭上方斬馬劒子製毛錐端似之未辦朱雲請此物

筆誅市撻佞臣誰

世上豈無千里馬能騎千里馬何人直須讀書破萬卷  
始用子筆如有神

畫工如山赤墀下調子之筆丹青勻一洗萬古空凡馬  
曹將軍外更無人

未誇長管入手便政須短管護銛鋒未染濡時常著帽  
缺 脫帽走蛟龍

善舞吾聞霓裳曲

缺

音有陶朱公長袖多錢世豈少



鐵鞭難得尉遲恭

贈馬唐卿數學環中吟

揚子雲易爲太玄邵堯夫易爲皇極溫公之易曰潛虛  
觀物行成有七易環圓其形剗其中圓則能轉中則容  
譬如門牡必有牝環中居士心與同車各雙輪三十輻  
與之運行謂之轂轂之兩端鑿竅穴良工於此膏其軸  
老子教人舉一隅莊子推廣言戶樞圓而能容無滯礙  
大德若容百川輸居士易應有師授言人咎休頃刻究

厥祖三世登巍科乃翁八旬享高壽環外人賦環中篇  
何時吳門吾過船攜酒與汝談此事月窟天根玄又玄

蘭亭

有僧字好本

細看僧字永和碑誰見山陰落筆時想像捧心

缺

間幾本話西施

中秋夜喜晴

秋來剩賦倚樓吟天慰衰翁此夜心霽色一輪升白玉  
聲萬鎰價黃金酒纔半醉吾忘我詩最難題古到今

缺

日

缺

西流聊困卧不知更淺與更深

八月十八日天曉二首

木犀花正盛吹入滿樓香不是人無寐焉知夜已長樹  
鳴秋雨急潮過海天涼

缺

一句言風聲  
雨非雨也

自覺衣裘少侵

尋近肅霜

河中船已動岸亦有人行城北鐘聲斷樓東鬼宿明倚

缺

酒醒搔首小詩成

缺

中秋熱今朝始漸清

寄題陳公輔聽雨軒

良弼宣州人

聽雨寒更盡開門落葉深此賈浪仙詩也開門  
知有雨老樹半身濕此陳去非詩也二詩翁可  
謂善於聽雨者矣公輔聽雨軒題者軸將牛腰  
紫陽山人方回贊以一絕

知時潤物最關心不作珠簾暮捲吟龍過驚迴欹枕夢  
簷聲點點是商霖

八月二十日天曉

清曉潮初過西風獵弊裘肯爲貧士地偏覺老人愁蟋

蟀聲彌急梧桐色漸愁殘星餘幾點吾獨倚吾樓

八月二十日趙西湖攜酒夜醒二更記事

社稷初穿暑氣收今朝五日過中秋隔湖我每思

缺

市公能顧小樓斗酒隻鷄承厚意扁舟匹馬約閒遊吾  
儕不與人間事肯掛眉頭一點愁

酒醒更深獨倚樓天清地靜俯河流梧桐影轉三更月  
蟋蟀聲催萬象秋自古有生皆有死即今無喜亦無憂  
更著四年當八十我於人世復何求

八月二十三日早起

不寐緣何事無言試自思百年歎枕裏五夜倚樓時天  
下奇才少人中間氣誰洗心方見易知道始能詩可用  
黃庭演何勞素問醫儻來縻爾爵小事怒如饑粟里淵  
明菊商山綺里芝乾坤萬萬古達者姓名垂

贈存古楊茂盛卿

杭表背工第一

卷軸年深碎破時我能補苴以完之驚逢大桁重華典  
喜見由庚東哲詩王會周篇汲郡冢儒生秦頌泰山碑

裝潢作手今無敵消得朝天駟騎馳

贈葉宗貴一山

一山葉翁七十二齒牙禿缺面不媚忽然袖詩叩我門

缺

貝疇能辦茲事才德豈關貌妍醜西子

缺

孟光膩

三十年許舊相識翁攝官雪我半刺兵銷甲解各不死  
我嘗作郡翁弗至鴻翔燕螯蓬飄風會合良難別離易  
往不可追來叵測人生恍惚如夢寐邂逅尚肯匡解頤  
當爲酒樓謀一醉雙臺方叟七十六二十七霜絕俸祿

缺

陵陽牟先生丁亥同生共星宿先生擘箋介翁來  
筆勢雲烟字珠玉翁索我詩紙七尺見示諸公詩一軸  
孟能靜吟我所畏趙子昂寫我所服我詩初學張文潛  
晚悟后山拜山谷頗通大道合自然拙朴有餘巧不足  
近世後生宗許渾可謂諺云狗尾續至當之論天地中  
不可違異必合同詩自明良賡歌起以至孔刪雅頌風  
蘓李曹陶唐甫白慶厯元祐乾淳宗是爲四始大正派  
姓名太陽燭天紅軻死不傳忽復傳道學一燈垂天窮



二程張子之所得南渡前有濂溪翁何人實編道命錄  
南渡後有張宣公南渡後有朱文公學詩本是一小藝  
彼哉自謂晚唐夜雨鳴秋蛩

留錢塘十二年

一紀錢塘去未能寒梅涼菊暑天冰春風七寶山頭寺  
夜雨三茅閣上燈和靖不生無隱士道潛如在可詩僧  
大船相聚惟歌舞小舫漁翁采芡菱

題立上舍

極草意

萬派江河盡向東  
秋風搖落又春風  
性靈根本元相似  
軀殼胚胎偶不同  
螻蟻階前藏窟穴  
蜘蛛簷外掛虛空  
家中子女兼雞犬  
爾我無非樂意中

九月初八日

今年未見菊花枝  
老恐登高亦不宜  
但得明朝須有酒  
可能我輩更無詩  
身閒天下朋遊少  
秋暑江南雁到遲  
宗武宗文佐觴詠  
幾家伯道嘆無兒

九日早起

今日真當爛醉時  
丁床搔首便吟詩  
擬斟白蟻元來少  
旋典青蚨亦未遲  
萬事茫茫先卯飲  
一家草草僅晨炊  
紙窓日上微風冷  
斜倚危樓有所思

九日即事

閒居九日意何窮  
落木長江感舊同  
佳句致多惟杜老  
良辰專美只陶翁  
爲問從人游戲馬  
何如對物詠來鴻  
無萸無菊無螃蟹  
亦可隨宜酒一中

次韻靈鷲清長老二首

粗讀書難盡信書世誰鯁直但阿諛平生湖海悲遊子  
晚歲乾坤老腐儒知己尚堪擡醉眼從僧似欲剃吟鬚  
何當靈鷲兼三竺日伴猿饑侶鶴臞

得句無僧字不清公來一日兩詩成龍雷珠浦東坡和  
海日江潮老宋驚魯直尚能推大國長卿誰可詫長城  
二桃三士抱吟膝我所師兮葛孔明

重陽後絕句五首

梧桐疎葉間微黃年例江南未肯涼菊自此花三兩月

樽前日日是重陽

大都菊止中秋江南菊至十一月十二月

昨朝卯酒醉至酉不記滿斟凡幾巡莫問擔頭青蘂菊  
且迎座上白衣人

九日若無詩與酒人生如此定凡人我師子美牧之者  
鄣縣齊山句尚新

難開笑口憶小杜今歲江湖鴈未飛政使菊花無可  
當爛醉更忘歸

九月重陽菊未開十月小春梅又來賞過日長添一線

一瓶菊伴一瓶梅

桐江續集卷二十七